

## علي الهامش

حياتنا ليه علي الهامش  
ماحدش ليه حاسس بينا؟  
صراخنا بيعلا جوانا  
وبيموت الأمل فينا  
وبنكمل عشانا نوم  
ونصحي نلاقي نفس اليوم  
نعيش تاني في نفس الهم  
وكله بيعلا حوالينا

سكوتنا عادة ،  
وبزيادة علينا سكوت  
كفاية ظلم كفاياتنا  
ح نتكلم بعلو الصوت  
يا إما حياتنا تتبدل وتتعدل  
يا إما نموت  
ونبقى حكاية ورواية

وناس تسمع حكاوينا  
حياتنا ليه على الهامش  
ماحدش ليه حاسس بينا؟

ومش ح نطايطي للواطي  
ولا نعمل لحد حساب  
نخاف من إيه

مادام الحق وياتنا وإيه الأسباب؟  
نسلمها بقى لله وهو أكيد عالم بينا

حياتنا ليه على الهامش  
ماحدش ليه حاسس بينا؟